

**“БОҒОТ ПАХТА ТОЗАЛАШ” АКЦИЯДОРЛИК ЖАМИЯТИ
АКЦИЯДОРЛАРИНИНГ НАВБАТДАН ТАШҚАРИ
УМУМИЙ ЙИҒИЛИШИ
2-СОН БАЁННОМАСИ**

Хоразм вилояти, Боғот тумани,
Урганч кўчаси, 2-уй

2025 йил 7 август

Умумий йиғилишнинг ўтиш жойи: Хоразм вилояти, Боғот тумани, Урганч кўчаси, 2-уйда “Боғот пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **10:00**

Акциядорларни рўйхатдан ўтказиш тугаган вақт: **10:50**

Акциядорлар навбатдан ташқари умумий йиғилиш бошланган вақт: **11:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – 11 480 660

“Боғот пахта тозалаш” АЖ акциядорларининг навбатдан ташқари умумий йиғилиши (келгусида матн давомида - Йиғилиш) жамият бош директорининг 2025 йил 15 июлдаги 59-сон таклиф хати инобатга олиниб, жамият кузатув кенгаши томонидан 2025 йил 16 июлда қабул қилинган йиғилиш қарорга мувофиқ ўтказилмоқда.

Йиғилишда иштирок этиш ҳукукига эга акциядорлар реестри тузилган сана – 2025 йил 1 август.

Жамият кузатув кенгашининг аъзоси К.Хусаинова йиғилиш раёсатини сайлаш бўйича таклиф берди.

Акциядорлар томонидан очик овоз бериш йўли билан бир овоздан йиғилиш раёсатига қуйидагилар сайланди:

1. Искандаров Махмудбай Қодирбердиевич - “Хоразмнахтасаноат ҳудудий бирлашмаси” АЖ тугатиш бўйича комиссия раиси-йиғилишда раислик қилувчи;
2. Хусаинова Кундузхон Равшонбековна – жамият кузатув кенгаши аъзоси;
3. Саидов Зокир Ганжаевич- жамият бош директори;

“Хоразмнахтасаноат ҳудудий бирлашмаси” АЖ тугатиш бўйича комиссия раиси М. Искандаровни йиғилишда раислик қилувчи этиб ва жамиятнинг акциядорлар билан корпоратив муносабатлар хизмати мутахассиси М.Полиязов йиғилиш котиби этиб сайлаш таклифини киритди.

Акциядорлар томонидан очик овоз бериш йўли билан бир овоздан йиғилишда раислик қилувчи этиб М. Искандаров ва йиғилиш котиби этиб М.Полиязов сайланди.

Йиғилишни, йиғилишда раислик қилувчи М. Искандаров очди ва акциядорлар ҳамда йиғилиш қатнашчиларини кутлаб, йиғилиш кворуми бўйича ахборот бериш учун сўзни санок комиссияси аъзоси Ф.Кутлимуродовга берди.

Санок комиссияси ахбороти:

“Қимматли қозғалар Марказий Депозитарийси” томонидан 2025 йил 1 август ҳолатига шакллантирилган “Боғот пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 912 та акциядорга тегишли 11 480 660 дона акциялар катнашиши мумкин. Акциядорларни рўйхатдан ўтказиш вақти тугаганда, умумий миқдорда

6375726 дона овоз берувчи акцияларга эга бўлган 13 та акциядор (унинг вакили) рўйхатдан ўтди. Бу эса умумий овоз берувчи акцияларнинг 55,534% ни ташкил этади ва йиғилиш ваколатли (кворумга эга) ҳисобланади.

Йиғилишга таклиф этилганлар:

3.Саидов –жамият бош директори;

3.Аминов–жамиятнинг молиявий масалалар бўйича директори, бош ҳисобчи.

Йиғилишда раислик қилувчи М. Искандаров йиғилиш кун тартибини эълон қилди.

КУН ТАРТИБИ:

1. “Богот пахта тозалаш” АЖ акциядорларининг навбатдан ташқари умумий йиғилиши регламентини ва санок комиссияси таркибини тасдиқлаш.

2. “Богот пахта тозалаш” АЖ ихтиёрий тугатиш тўғрисида.

3. “Богот пахта тозалаш” АЖ тугатиш комиссиясини тайинлаш тўғрисида.

Кун тартиби эълон қилинганидан сўнг, муҳокамага ўтилди.

Кун тартибидаги биринчи масала бўйича йиғилишда раислик қилувчи М. Искандаров сўзга чиқиб, йиғилиш регламентини йиғилиш қатнашчиларига ўқиб эшиттирди. Мазкур йиғилиш кун тартибида 3 та масала кўрсатилганлигини ва ҳар бир масала бўйича маърузачига - 10 (ўн) дақиқадан, муҳокама учун - 20 (йигирма) дақиқагача вақт ажратилиши мақсадга мувофиқ эканлигини, Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашининг 2025 йил 16 июлдаги йиғилиш қарорига кўра санок комиссияси таркибига жамиятнинг акциядорлар билан корпоратив муносабатлар хизмати мутахассиси - Полиязов Мўмин Раматович, жамиятнинг материал харажатлар ва иш хақи ҳисобчиси – Қутлимуродов Фарход Комиловичлар номзодларини киритиш таклифи берилган бўлиб, жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетен орқали овоз беришларини сўради.

Ушбу масала юзасидан овоз бериш натижалари:

“Ўқлаганлар” – 6375726 та овоз билан 100,0 %; “Қаршилар”- йўқ;

“Бегарафлар”- йўқ.

Нотўғри тўлдирилган бюллетенлар йўқ.

Кун тартибидаги биринчи масала бўйича акциядорларнинг навбатдан ташқари умумий йиғилиши **қарор қилади:**

1. Жамият акциядорлари навбатдан ташқари умумий йиғилишининг регламенти ва икки кишидан иборат қуйидаги таркибда санок комиссияси тасдиқлансин:

1) М. Полиязов;

2) Ф. Қутлимуродов;

Кун тартибдаги иккинчи масала бўйича - “Хоразмпахтасаноат ХБ” АЖ тугатиш комиссияси раиси йиғилишда раислик қилувчи М.Искандаров сўзга чиқиб, қуйидагиларни маълум қилди.

Ўзбекистон Республикаси Президентининг 2020 йил 6 мартдаги “Пахтачилик соҳасида бозор тамойилларини кенг жорий этиш чора-тадбирлари тўғрисида”ги ПҚ-4633-сонли қарорига асосан Ўзбекистон Республикаси Иқтисодиёт ва саноат вазирлиги, Давлат активларини бошқариш агентлиги, Қишлоқ хўжалиги вазирлиги, Монополияга қарши курашиш қўмитаси, Молия вазирлиги, Давлат солиқ қўмитасининг “Ўзпахтасаноат” АЖни тугатиш тўғрисидаги таклифларига розилик берилган ҳамда Ўзбекистон Республикаси Вазирлар Маҳкамаси томонидан бир ой муддатда “Ўзпахтасаноат” АЖни тугатиш бўйича “йўл харитаси” ни тасдиқланиши белгиланган.

Ушбу вазифалардан келиб чиқиб Ўзбекистон Республикаси Вазирлар Маҳкамасининг 2020 йил 14 майдаги 02/1-668-сонли “Йўл харита”си тасдиқланди ва “Йўл харита”нинг 4-бандига асосан ҳудудий “Пахтасаноат бирлашмалари” АЖларни тугатиш жараёнларини якунлаш, тугатиш муддатлари ўтган ҳудудий бирлашмаларни тугатиш жараёнларини тиклаш масаласини бошқарув органлари мажлисларида кўриб чиқиш вазифалари белгиланди.

Ўзбекистон Республикаси Президентининг 2020 йил 6 мартдаги “Пахтачилик соҳасида бозор тамойилларини кенг жорий этиш чора-тадбирлари тўғрисида”ги ПҚ-4633-сонли қарорига асосан “Ўзпахтасаноат” АЖ ва унинг тизимидаги корхоналарни тугатишни жадаллаштириш, харажатларни қисқартириш мақсадида жамиятни “Ўзпахтасаноат” АЖ тизимидаги бошқа жамиятга қўшиш ёки ихтиёрий тугатиш масаласини конунчиликда белгиланган тартибда жамият акциядорлари умумий йиғилишида кўриб чиқилиши режалаштирилган.

Маълумки, Ўзбекистон Республикаси Вазирлар Маҳкамасининг 2018 йил 19 сентябрдаги 744-сон қарорига асосан “Боғот пахта тозалаш” АЖ ва унга қарашли пахта тайёрлаш масканлари **4 август 2020 йилдаги №52, №53 ҳамда 5 август 2020 йилдаги №57-сонли** олди-сотди шартномаларига асосан **“КОВОТЕХ” МЧЖга 38 365 160 045** сўмга 5 йил муддатда бўлиб тўлаш (тенг миқдордаги йиллик тўловлар) шарти билан сотилган эди.

Жамият мол-мулклари кластер корхонасига сотилганлиги сабабли 2019-2020-2021-2022-2023-2024-2025 йиллар давомида тумандаги фермер хўжаликлари томонидан етиштирилган пахта хом-ашёси жамиятда қайта ишлаш мақсадида қабул қилинмади ҳамда товар маҳсулоти ишлаб чиқарилгани йўқ яъни жамият фаолият кўрсатгани йўқ.

Бугунги кунда, кластер корхонасига сотилган мол-мулклар бўйича ҳисоб-китоблар 2025 йил 01 август ҳолатига кластер корхонаси қарздорлиги 1 522 791 минг сўмни ташкил қилиб, бундан буён жамиятнинг асосий фаолияти билан ёки бошқа фаолият билан шуғулланиш имконияти **мавжуд эмаслиги** сабабли, жамиятни ихтиёрий тугатиш масаласи акциядорлар навбатдан ташқари умумий йиғилиши муҳокама қилишни лозим топилди.

Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуннинг 98-моддасига мувофиқ ихтиёрий равишда тугатилаётган жамият акциядорларининг умумий йиғилиши жамиятни тугатиш ва тугатувчини тайинлаш ҳақида қарор қабул қилади.

Ўзбекистон Республикаси Вазирлар Маҳкамасининг 2019 йил 21 августдаги 704-сон қарори билан тасдиқланган “Тадбиркорлик субъектларини ихтиёрий тугатиш ва уларнинг фаолиятини тўхтатиш тартиби тўғрисида”ги Низомнинг 5-бандига асосан тижорат ташкилотини ихтиёрий тугатиш тўғрисидаги қарорда қуйидагилар кўрсатилади:

тугатилаётган тадбиркорлик субъекти тўғрисидаги маълумотлар (тўлиқ ва қисқартирилган номи, солиқ тўловчининг идентификация рақами, почта манзили); “Боғот пахта тозалаш” АЖ, (СТИР: 200426302, Индекс: 220200), bogotpaxta@mail.ru,

тугатувчи ҳақидаги маълумотлар (паспорт маълумотлари, телефон рақами ва электрон почта манзили);

тугатилаётган тадбиркорлик субъекти бўйича мурожаатларни қабул қилиш жойи ва муддати;

тадбиркорлик субъектини тугатиш сабаби ва мўлжалланаётган тугатиш муддати.

Юқоридагилардан келиб чиқиб “Боғот пахта тозалаш” АЖни ихтиёрий равишда тугатиш тўғрисида қуйидаги қарорни қабул қилиш таклиф этилди.

1. Хоразм вилояти, Боғот тумани, Урганч кўчаси, 2-уй манзилида жойлашган (СТИР: 200426302, Индекс: 220200) “Боғот пахта тозалаш” акциядорлик жамияти (“Боғот пахта тозалаш” АЖ) ихтиёрий равишда тугатилсин.

2. Тугатилаётган “Боғот пахта тозалаш” АЖ бўйича мурожаатлар тугатиш тўғрисидаги эълон чиққан пайтдан эътиборан олти ой давомида Хоразм вилояти, Боғот тумани, Урганч кўчаси, 2-уй манзилида қабул қилинсин.

Шундан сўнг ушбу масала бўйича ўз муносабатларини бюллетенда овоз бериш орқали билдиришларини сўради.

Ушбу маласа юзасидан овоз бериш натижалари:

“Ёқлаганлар” – 6375726 та овоз билан 100,0 %; “Қаршилар”- йўқ;

“Бетарафлар”- йўқ;

Нотўғри тўлдирилган бюллетенлар йўқ.

Кун тартибидаги иккинчи масала бўйича акциядорларнинг навбатдан ташқари умумий йиғилиши **қарор қилади:**

1. Хоразм вилояти, Боғот тумани, Урганч кўчаси, 2-уй манзилида жойлашган (СТИР: 200426302, Индекс: 220200) “Боғот пахта тозалаш” акциядорлик жамияти (“Боғот пахта тозалаш” АЖ) ихтиёрий равишда тугатилсин.

2. Тугатилаётган “Боғот пахта тозалаш” АЖ бўйича мурожаатлар тугатиш тўғрисидаги эълон чиққан пайтдан эътиборан олти ой давомида Хоразм вилояти, Боғот тумани, Урганч кўчаси, 2-уй манзилида қабул қилинсин.

Кун тартибидаги учинчи масала бўйича “Хоразмпахтасаноат ХБ” АЖ тугатиш комиссияси аъзоси К.Хусаинова сўз олиб, тугатиш комиссияси таркибига “Боғот пахта тозалаш” АЖнинг амалдаги директори З.Саидов, бош ҳисобчи З.Аминов, юрист Б.Бекиязов, корпоратив муносабатлар хизмати мутахассиси М.Полиязов, Материал харажатлар ва иш ҳақи ҳисобчиси Ф.Қутлимуродовлар киритилиши таклиф этилди.

Тугатилаётган “Боғот пахта тозалаш” АЖнинг тугатиш муддатигача бўлган даврга харажатлар сметаси иловага мувофиқ тасдиқлашни таклиф қилди.

Тугатиш комиссияси таркибини қуйидаги таркибда тасдиқлаш таклиф этилди:

- 1) Саидов Зокир Ганжаевич - “Боғот пахта тозалаш” АЖ бош директори, тугатиш комиссияси раиси;
- 2) Аминов Зафарбек Курамбоевич - “Боғот пахта тозалаш” АЖ молиявий масалалар бўйича директори - бош ҳисобчи, тугатиш комиссияси аъзоси;
- 3) Полиязов Мўмин Раматович - “Боғот пахта тозалаш” АЖ акциядорлар билан корпоратив муносабатлар хизмати мутахассиси, тугатиш комиссияси аъзоси;
- 4) Қутлимуродов Фарход Комилович - “Боғот пахта тозалаш” АЖ материал харажатлар ва иш ҳақи ҳисобчиси, тугатиш комиссияси аъзоси;
- 5) Бекиязов Бобоҳон Матякубович - “Боғот пахта тозалаш” АЖ юрист консульти, тугатиш комиссияси аъзоси.

Шундан сўнг ушбу масала бўйича ўз муносабатларини бюллетенда овоз бериш орқали билдиришларини сўради.

Ушбу маласа юзасидан овоз бериш натижалари:

“Ёқлағанлар” – 6375726 та овоз билан 100,0 %; “Қаршилар”- йўқ;

“Бетарафлар”- йўқ;

Нотўғри тўлдирилган бюллетенлар йўқ.

Кун тартибидаги Учинчи масала бўйича акциядорларнинг навбатдан ташқари умумий йиғилиши қарор қилади:

1. “Боғот пахта тозалаш” АЖ тугатиш комиссияси таркиби қуйидаги шахслардан иборат этиб тайинлансин.

- 1) Саидов Зокир Ганжаевич - “Боғот пахта тозалаш” АЖ бош директори, тугатиш комиссияси раиси;
- 2) Аминов Зафарбек Курамбоевич - “Боғот пахта тозалаш” АЖ молиявий масалалар бўйича директори-бош ҳисобчи, тугатиш комиссияси аъзоси;

- 3) Полиязов Мўмин Рамамович - “Боғот пахта тозалаш” АЖ акциядорлар билан корпоратив муносабатлар хизмати мутахассиси, тугатиш комиссияси аъзоси;
- 4) Қутлимуродов Фарход Комилович - “Боғот пахта тозалаш” АЖ материал харажатлар ва иш ҳақи ҳисобчиси, тугатиш комиссияси аъзоси;
- 5) Бекиязов Бобоҳон Матякубович - “Боғот пахта тозалаш” АЖ юрист консульти, тугатиш комиссияси аъзоси.

2. “Боғот пахта тозалаш” АЖ тугатиш комиссияси ушбу қарор қабул қилинган кундан бошлаб ўз фаолиятини амалдаги қонунчиликка, шу жумладан Ўзбекистон Республикаси Вазирлар Маҳкамасининг 2019 йил 21 августдаги 704-сонли қарорига асосан тасдиқланган “Тадбиркорлик субъектларини ихтиёрий тугатиш ва уларнинг фаолиятини тўхтатиш тартиби тўғрисида”ги Низом талабларидан келиб чиқиб ташкил этсин.

3. “Боғот пахта тозалаш” АЖ тугатиш комиссиясини тўлиқ фаолият кўрсатиши учун барча шарт-шароитларни (комиссия аъзоларининг иш ҳақи, хизмат хоналар, компьютер, телефон, интернет, канцтовар ва бошқалар) яратиш мақсадида тугатиш комиссияси томонидан харажатлар сметаси ишлаб чиқилсин ва “Хоразмпахтасаноат ХБ” АЖ билан келишилган ҳолда тасдиқлансин.

4. “Боғот пахта тозалаш” АЖ тугатиш комиссиясининг фаолиятини ташкил этиш билан боғлиқ харажатлар сметасининг ижроси тўғрисидаги ҳисобот жамият акциядорларининг навбатдан ташқари йиғилишида кўриб чиқилиши белгилансин.

5. “Боғот пахта тозалаш” АЖ тугатиш комиссияси ушбу қарор қабул қилинган кундан бошлаб ўз фаолиятини амалдаги қонунчиликка, шу жумладан Вазирлар Маҳкамасининг 2019 йил 21 августдаги 704-сонли қарорига асосан тасдиқланган “Тадбиркорлик субъектларини ихтиёрий тугатиш ва уларнинг фаолиятини тўхтатиш тартиби тўғрисида”ги Низом ҳамда “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунида белгиланган талаб ва тартибдан келиб чиқиб ташкил этсин, жумладан:

-жамиятнинг тугатиш бўйича амалдаги қонун ҳужжатлари билан белгиланган тартиб ва муддатларини ўз ичига олган режани тасдиқлаш;

-жамиятнинг тугатилиши ва жамият кредиторлари талабларини билдириш тартиби ва муддатлари ҳақида оммавий ахборот воситаларида эълон бериш;

-жамиятнинг активлари ва мажбуриятларини қонун ҳужжатларида белгиланган тартибда хатловдан ўтказиш, шу жумладан жамият қарздор сифатида иштирок этган ижро ҳужжатлари реестрини тузиш;

-жамият ходимлари билан Ўзбекистон Республикаси Меҳнат Кодексининг 161-моддаси иккинчи қисми 1-бандига асосан меҳнат шартномасини бекор қилиш;

-жамият акциядор (иштирокчи) бўлган ташкилотлардаги улушларини тасдиқловчи ҳужжатларни (депо ҳисоб рақамдан кўчирма, гувоҳнома) хатлов ўтказиш санаси ҳолатига олиш;

-жамиятнинг дебиторлик қарзларини ундириш;

-Давлат солиқ хизмати органи томонидан жамиятнинг молия-хўжалик фаолиятини текширишни (тафтиш қилишни) ўтказилишини таъминлаш;

-кредиторлар томонидан талаблар тақдим этилиши учун белгиланган муддат тугагач давлат солиқ хизмати органи томонидан ўтказилган текшириш натижаларини, шунингдек, тузилган ижро ҳужжатлари реестрини ҳисобга олган ҳолда оралик тугатиш балаиси лойиҳасини тузиш;

-савдога қўйилган санадан бошлаб икки ой мобайнида сотилмаган мол-мулкни кредиторларга баҳолаш суммасида белгиланган навбатга риоя этган ҳолда мулк этиб қабул қилишни таклиф этиш;

-Ўзбекистон Республикасининг “Акциядорлик жамиятлари ва акциядорлар-нинг ҳуқуқларини ҳимоя қилиш тўғрисида”ги Қонунининг 100-моддасида белгиланган тартибда жамиятнинг кредиторлар билан ҳисоб-китоблардан кейин қолган мол-мулкни акциядорлар ўртасида тақсимланишини ва тугатиш билан боғлиқ бошқа чора-тадбирларни амалга оширилишини таъминласин.

Акциядорларнинг навбатдан ташқари умумий йиғилиши томонидан қабул қилинган қарорлар эълон қилинганидан сўнг, йиғилишда раислик қилувчи М.Искандаров акциядорларга уларнинг иштироки учун миннатдорчилик билдириб, йиғилишни ёпиқ деб эълон қилди.

Йиғилишда раислик қилувчи:  М. Искандаров

Йиғилиш котиби:  М.Полиязов

Йиғилиш баённомаси _____ август куни икки нусхада тузилди.

